

JAWAPAN

Tuan Yang Dipertua,

Untuk makluman Dewan Yang Mulia ini, dakwaan bahawa Tanjung City Marina telah tenggelam adalah tidak benar. Apa yang berlaku adalah kerosakan pada sebahagian struktur cerucuk dan beberapa pontoon berikutan keadaan cuaca yang luar biasa.

Oleh itu, pada awal 2013, beberapa pontoon telah dibuka dan didaratkan untuk pemeriksaan tahap kerosakan dan seterusnya tujuan pembaikan ke atas kerosakan pontoon-pontoon berkenaan. Dalam hal ini, keseluruhan jajaran pontoon di Tanjung City Marina akan diubahsuai. Memandangkan kerosakan di Tanjung City Marina adalah disebabkan oleh faktor cuaca, maka persoalan berhubung tindakan ke atas kontraktor adalah tidak timbul.

Usaha untuk mengaktifkan semula kawasan Tanjung City Marina adalah sebahagian dari *holistic approach* yang telah direncanakan oleh Suruhanjaya Pelabuhan Pulau Pinang bagi keseluruhan *waterfront* termasuk Swettenham Pier Cruise Terminal (SPCT). Memandangkan isu tanah bagi SPCT belum selesai, pihak Suruhanjaya Pulau Pinang tidak dapat meneruskan perancangannya untuk membangunkan keseluruhan *waterfront* termasuk Tanjung City Marina.

PEMBERITAHU PERTANYAAN DEWAN RAKYAT

PERTANYAAN : BERTULIS

DARIPADA : TUAN LIM GUAN ENG [BAGAN]

SOALAN :

Tuan Lim Guan Eng [Bagan] minta **MENTERI PENDIDIKAN** menyatakan langkah yang diambil untuk meningkatkan prestasi murid dan guru pada kedudukan tangga peringkat antarabangsa. Adakah terdapat cadangan untuk melaksanakan desentralisasi peringkat sekolah demi mewujudkan persaingan kualiti pendidikan dan murid. Sekiranya tidak, kenapa.

JAWAPAN

Untuk makluman Ahli Yang Berhormat,

Penyertaan Malaysia dalam pentaksiran peringkat antarabangsa seperti *Programme for International Student Assessment* (PISA) bertujuan untuk menanda aras kualiti pendidikan sains dan matematik dan bacaan di negara ini. Walau bagaimanapun, penyertaan awal Malaysia dalam PISA 2009 dan 2012 menunjukkan, pencapaian murid yang tidak memberangsangkan. Sehubungan dengan itu, Kementerian Pendidikan Malaysia (KPM) telah mengkaji punca prestasi yang sangat rendah ini, dan beberapa langkah segera dan menyeluruh telah diambil yang melibatkan program kesedaran, penyebaran maklumat dan intervensi pengajaran dan pembelajaran.

Antara langkah untuk meningkatkan prestasi murid dan guru pada kedudukan tangga peringkat antarabangsa. adalah seperti berikut:

- i. KPM menjalankan program intervensi untuk menyediakan pelajar Tingkatan 2 yang akan menduduki Kajian TIMSS pada Oktober 2014 dan juga Kajian PISA pada April 2015;